

## **Unaprijeđivanje vještina na putu ka euro-atlantskim integracijama**

*Obilježavanje početka treće godine projekta ProAccession*

**Sarajevo, 30. oktobar 2012.** – u utorak, 30. oktobra u 15:00 u Državnoj agenciji za istrage i zaštitu – SIPA BiH zvanično će se obilježiti početak treće godine projekta ProAccession (*Potporna pridruživanju*) pomoću kojeg je do sada 156 uposlenika Ministarstva odbrane BiH i Ministarstva sigurnosti BiH (kao agencije u nadležnost Ministarstva sigurnosti) prošlo usavršavanje profesionalnih vještina potrebnih na putu ka euroatlantskim integracijama.

Britanski ambasador u Bosni i Hercegovini Nj.E. Nigel Casey, direktor SIPE g Goran Zubac, general Ivica Jerkić (Ministarstvo odbrane BiH) te vršilac dužnosti ministra sigurnosti BiH g Mladen Čavar će se obratiti gostima i učesnicima projekta te govoriti o značaju programa za Bosnu i Hercegovinu. Britanski ambasador u BiH Nj.E. Nigel Casey će dodijeliti certifikate učesnicima obuke na temu *Vještine liderstva u okviru EU i NATO-a*

**Srdačno vas pozivamo da svojim prisustvom podržite i zabilježite ovaj događaj u**

**utorak, 30. oktobra 2012. godine u 15:00 sati  
Državna agencija za istrage i zaštitu – SIPA BiH  
Nikole Tesle bb, Istočno Sarajevo**

ProAccession program je nastao kao rezultat zajedničkog rada Vlade Ujedinjenog Kraljevstva, kao finansijera programa, i British Councila u BiH kao implementatora, uz partnersku podršku pomenutih ministarstava te Agencije za državnu službu BiH. Sadržaj programa usavršavanja je bio prilagođen potrebama i radnom kontekstu uposlenika Ministarstva sigurnosti BiH i Ministarstva odbrane BiH uključenih u rad sa međunarodnim partnerima.

U prvoj godini programa, polaznici su imali priliku usavršiti vještine prezentiranja, formalne korespondencije i efikasnog vođenja sastanaka. Fokus u drugoj godini je bio jačanje naprednih profesionalnih vještina: vještine pregovaranja, vještine pisanja projektnih prijedloga kao i vještine lobiranja i uticaja u okviru EU i NATO-a. Za treću godinu projekta planirano je jačanje naprednih vještina: vještine liderstva, vođenje projekata te evaluacija i monitoring projekata u okviru EU i NATO-a. Obuka se u potpunosti izvodi na engleskom jeziku. Program je također osposobio kapacitete lokalnih

instruktora koji će po okončanju programa biti u mogućnosti samostalno voditi obuke iz pomenutih vještina.

Tokom zatvaranja druge godine projekta ProAccession u aprilu 2012. godine zamjenica britanskog ambasadora u BiH gdja Jo Lomas je naglasila važnost razvoja vještina državnih službenika u sklopu BiH institucija kao preduslov za uspješan proces pridruživanja BiH u EU i NATO:

*Stav Ujedinjenog Kraljevstva je takav da smatramo da BiH zaslužuje ravnopravno članstvo u EU i NATO. Članstvo u pomenutim organizacijama će osigurati sigurnu, stabilnu i prosperitetnu budućnost za BiH. Britanska Vlada, sponzorirajući ovakve ili slične projekte želi da podrži proces pregovaranja te potpomogne što uspješnijoj integraciji u EU.*

Program će se izvoditi u tri šestosedmične neintenzivne sesije obuka u periodu septembar 2012.-mart 2013., uz intenzivni trening za instruktore.

-KRAJ-

Kontakt za medije:

Tanja Cerić, [tanja.ceric@britishcouncil.ba](mailto:tanja.ceric@britishcouncil.ba)  
T: 033 250 232; M: 061 355 594

---

O British Council-u

British Council je organizacija za uspostavljanje i razvoj odnosa između Velike Britanije i drugih zemalja u oblasti kulture. Djelujemo u preko 100 zemalja i teritorija širom svijeta. U BiH, naš glavni ured se nalazi u Sarajevu, dok je naša saradnja sa lokalnim partnerima prisutna širom države. Naši projekti su fokusirani na međunarodnu i regionalnu saradnju, razmjenu ideja i znanja, te razvoj BiH u procesu euroatlantskih integracija.